



Tulong Manlapu'd Taguey

Inoksoy nen
Watson Goodman

Libre — Ag-ilako

Say **"TULONG MANLAPU'D TAGUEY"** so koleksion na versiculos ya nanlapu'd nanduruman parte'y Biblia ya naoksoy ed nanduruman tema. Manisiaak ya say sangkamaongan ya mañgipaliwawa na Biblia et say Biblia lanlamang.

Say Salitay Dios **"manlapu'd taguey"** et peteg ya makatulong ya maong ed saray puson narasan tan napgaan ed inkatunong. No say sakey ya too manpataoli tan ikaindan to'y kasalanan, invitaan to'y Katawan ya Jesu-Cristo ya manayam ed puso to, tan manisia ed amin ya puso to ed Katawan ya Jesu-Cristo ya Manañgilaban to, say Katawan ipatnag to'y Inkasikaton dili ed sikato tan iter to ed sikato so dilin liket To tan kareenan To ed puso na satan ya anisia. Asalik iya nen 1937 tan agkon balot dinesiang so sayan makapakelaw ya pikakasakey ko ed Katawan nanlapu'd saman. Isimbawak ya onsoko kayo ed Sikato ya Manañgilaban tan Katawan yo NATAN, no agyo ni ya ginawa.

—Watson Goodman (1920-2002)

SAY ARO'Y DIOS

1

Taga Roma 5:8

Bangbalet say Dios ipurek to so dilin aro to ed sikatayo, ta anta, makasalanan itayo ni, si Cristo inatey lapud sikatayo.

San Juan 3:16

Ta ontan la'y inpañgaro na Dios ed mundo, ya inter to so bogbogtong ya Anak to, pian siopaman á manisia ed sikato agnatawtaw, no ag wala so bilay to'n andi angaan.

San Juan 13:1

Natan nen arapen na fiesta na pasco, si Jesus bangta sikakabat a say horas to asabila ya nepeg to so ontainan ed saya'n mundo ya onla ed Ama, bangta inaro to

so saray totoo to ya wala ed mundo, inaro to ra anga ed kasampotan.

Jeremias 31:3

Si Jehova pinmatnag ed siak sanen abayag la ya inkuan to, On, sika aroen ta ka ed maando a panañgaro: kanian lapu ed maaro ya abig na linawa inyasinger ta ka.

Apocalipsis 1:5

Tan si Jesu-Cristo, say tasi a matoor, say pañgoloan ya anak ed saray inatey, tan oloen na saray arari ed dalin. Saman so añaño ed sikatayo, tan añaños ed saray kasalanan tayo ed dili to a dala.

San Juan 1:1 tan 14

Dia ed agpo wala la so Verbo, tan say Verbo wala ed Dios, tan say Verbo sikato so Dios. . . Et say Verbo nagmaliw á laman, tan akipan-ayam ed sikatayo (ed anengneng mi so gloria to, siŋga gloria na bogbogtong a nanlapu ed Ama), ya napno na gracia tan katuaan.

San Juan 14:9, 10

Si Jesus kuan to ed sikato, ¿Andukey a panaon la ya wala ak ed sikayo, et ag mo ak kabat, Felipe? say akanengneng ed siak anengneng to so Ama; ¿panon so paŋgikuan mo, Ipanengneng mo

ed sikami so Ama? ¿Ag mo ta siaen ya wala ak ed Ama, tan say Ama ed siak? saray salita a salitaen ko ed sikayo ag ko salitaen á manlapu ed inkasiak: iŋgen say Ama a manaayam ed siak gawaen to so saray kimey to.

San Mateo 1:22, 23

Bang saya ya amin agawa pian nasumpal so sinalita na Katawan ed panamegley na profeta, á kuan to, Niá, say virgen manlokon naani, tan yanak to so sakey ya anak á laki, Et tawagen da naani so nŋaran to ya Emmanuel; A, no nipatalos, kabaliksan toy, Say Dios wala ed sikatayo.

San Mateo 17:5

Sanen peles to ni'n mansasalita, nia, so sakey á lurem á masnag tina roŋgan to ra: tan niá, sakey á voceá á nanlapu ed lurem, á kuan to, Sikatoya so inarok ya Anak, á sikato'y panlike-tan ko'n maong; sikato so denģelen yo.

Taga Colosas 2:9

Ta dia ed sikato manayam ya ami kapnekan ed Inka Dios á nipaakar ed laman.

Isaias 9:6

Ta dia ed sikatayo nianak so sakey ya ugaw, dia ed sikatayo sakey ya ugaw a laki so niiter; et say uley wala naani ed tapew na

abala to; et say ŋgaran to natawag naani a Makapakelaw, Mananimbawa, Makapanyari a Dios, Andi angaan ya Ama, Principe na Kareenan.

I. Na Juan 4:15

Angan siopa a mamatua a si Jesus sikato so Anak na Dios, say Dios mansiansia ed sikato, tan sikato ed Dios.

San Lucas 1:35

Et inmebat so angel tan inkuan to ed sikato, Say Espiritu Santo onla ed sika, et say pakapanyari na Sankatageyan taroŋgan toka: kanian say nianak met niŋgaran naani Santo, say Anak na Dios.

SI JESUS IBAGATO SO INKASIKATO'N DILI**San Juan 9:5**

Angad wadia ak ed mundo, siak so silew na mundo.

San Juan 10:7

Kanian si Jesus inkuan to ed sikara lamet, Tua, túa kuan ko ed sikayo, Siak so pinto no saray carnero.

San Juan 11:25

Si Jesus inkuan to ed sikato, Siak so kiólian, tan say bilay: say manisia ed siak, angan inatey la nabilay ni.

San Juan 13:13

Sikayo tawagen yo ak na, Managbañgat, tan, Katawan: et maong so kuan yo; ta ontan ak.

San Juan 6:35

Si Jesus inkuan to ed sikara, Siak so tinapay na bilay: say on-dago ed siak ag naerasan, tan say manisia ed siak ag balot naap-gaan.

San Juan 8:58

Inkuan nen Jesus ed sikara, Tua, tua, kuan ko ed sikayo, Nen ag ni nianak si Abraham, wala ak la.

San Juan 8:23

Et inkuan to ed sikara, Sikayo nanlapu kayo ed leksag; siak nanlapu ak ed tagey: taga dia kayo ed saya'n mundo; siak agak taga dia ed saya'n mundo.

San Mateo 20:30 tan 34

Tan niá, duara á bulag yá manyudyorong ira ed gilig na dalan, sanen nadngel da ya onlalabas si Jesus diman, inmakis ira, á kuan da, Katawan, kasian mo kami komon sika anak nen David. . . Et si Jesus, dia ed inpañgabagey to, diniwi' to so saray kamataan da: et tampol ya inawat da so pakanengneng da, tan tinmombok ira ed sikato.

San Mateo 14:19-21

Tan ingangan to'd saray dakerakel á katooan ya onyorong ira ed karikaan; et inala to so limara'n tinapay tan duara'n sirá, tan sanen tinmañgay ed tawen, binen-

dicionan to, tan piningpinglis tan inderew to so saray tinapay ed saray babañgatan to, tan saray babañgatan, initer da'ra ed saray dakerakel á katooan. Et aňgan ira ya amin; tan napsel ira: tan dinokdok da so nakdaan ya apingpinglis, ed labindua a balolang ya napno. Tan saray aňgan siňa lima'n libo a lalaki, nilikod iray bibii tan ugugaw.

San Lucas 5:4-6

Et nen tinmon da a nansalita, inkuan to ed Simon, Ontaewka, ipelag yo so saray iket yo á pansigay. Et inmebat si Simon tan inkuanto, Katawan, nansagpot kami la a sanlabi, et angapo so naala-

mi; inġen lapu ed salitam ipelag ko so saray iket. Et nen ginawa ra so saya akapañgipukok ira na

6 SI JESU-CRISTO SIKATOY MANAMALSA TAN KATAWAN

Taga Colosas 1:16

Ta dia ed sikato apalesa so amin á beñgatla, dia ed katawenen tan tapew na dalin, saray beñgatla a nanengneng tan beñgabeñgatla'n ag nanengneng, angan saray tronos odino saray pakauley odino saray panuleyan odino saray pakayari; amin á beñgatla apalsa ed panamegley to tan nipaakar ed sikato.

Taga Roma 14:9

Ta si Cristo lapud saya inatey, tan binmilay lamet, pian dia ed ontan sikato so Katawan na sa-

akamayamay á sira; tan apilat-pilat so saray iketda.

ray inatey onong met na saray mabilay.

San Juan 1:3

Amin á beñgabeñgatla agawara ed panamegley to; et no sikato so andi angapo'y anto kaman ya agawa ed saray agawa.

Hebreos 1:2

Dios. . . dia ed kaonoran na sarayan agew akisalita ed sikatayo dia ed panamegley na Anak to, á sikato so tinoroton manawir ed saray amin a beñgatla, á sikato met so nan-gawaan to ed mundo.

Taga Roma 2:16

Dia ed agew á pañgokom na Dios ed saray inamot na saray too, onong ed evangeliok, lapu ed Jesu-Cristo.

Taga Roma 14:10

Bangbalet sika, ¿akin ya okomen mo so agim? O sika met, ¿akin et pabpabandayen mo so agim? ta amin tayo onpatnag itayo ed arap na panañgokoman na Dios.

Gawa 10:42

Et inbilin to ed sikami so pamulong mi ed baley, tan mantasi á sikato so ingaton na Dios ya Okom ed saray mabilay tan inatey.

II. Na Timoteo 4:1

Ibilin ko ed sika ed malet ed arap na Dios, tan si Cristo Jesus, á sikato so mañgokom naani ed saray mabilay tan inatey, tan dia ed panaon na kipatnag to tan say panarian to.

San Mateo 25:32

Tan natipon naani ed arap to so saray amin á nación: tan panbibiiiganen to ra naani sakey tan sakey, á siñga say pastol ibiig to so saray kanding.

San Juan 5:22

Ta say Ama agmañgokom na siopaman a too, inter to inñen so amin a panañgokom ed Anak.

KARUNDON ED PANAMEGLEY LABAT NEN CRISTO**San Juan 10:9**

Siak so pinto: no wala'y onloob ed siak, sikato so nilaban, tan sikato'y onloob tan onpaway naani, tan makaromog na panaŋgipakánan.

San Juan 14:6

Si Jesus kuan to ed sikato, Siak so dalan, tan say katuaan, tan say bilay: angapo so ondateng ed Ama, no ag dia ed panamegley ko.

Hebreos 5:9

Tan sanen agawa ya ayadyari, nagmaliw á sikato so nangawa na andi angaan á kilalaban ed saray amin ya ontolok ed sikato.

San Juan 8:24

Kanian inkuan ko ed sikaya, ya ompatey kayo ed saray kasalanan yo; ta no ag yo sisiaen a siak (Cristo,) ompatey kayo ed saray kasalanan yo.

Gawa 4:12

Et angapo so arum ya kilabanan: ta angapo so arum á ŋgaran ed lepsag na tawen, ya niiter ed saray totoo, á nayaran kilabanan tayo.

Hebreos 7:25

Kanian nayaran to met ya ilaban anga ed kasumpalan so saray onasinger ed Dios dia ed panamegley to, ta manbilay lawas á mangyesel ed sikara.

Apocalipsis 5:9

Tan mankankanta'ra na sakey á balo'n kanta a kuan da, Manepeg ka a mañgala ed libro, tan mañgekal ed saray sello to ra: ta sika pinatey ka tan sinaliw mo ya in-gana ed Dios, lapu ed dalam, so totoo ed balang kailalakan, tan salita tan baley, tan nasyon.

Taga Colosas 1:12-14

Ámisalamat ed Ama, á sikato so nangawa ed sikatayo ya onkana'n minabang ed tawir na saray santos ed silew; sikato'y añgilaban ed sikatayo ed biskeg na kabilungetan, tan angyalis ed sikatayo ed panaria'y Anak na aro to;

á dia ed sikato so kawalaan na karundon tayo, say pamerdona ed saray kasalanan tayo.

I. Na Taga Corinto 1:30

Et lapu ed sikato wala kayo ed Cristo Jesús, á sikato so agawa ed sikatayo á kakabatan á manlapu ed Dios, tan katonongan, tan panamasantosan, tan pananondon.

Tito 2:14

Ya initer to so inkasikato ya insalat ed sikatayo, pian dondonen to itayo ed amin á kaugsan, tan linisan to so sakey á baley á nipaakar á kien to'n dili, mapaga ed saray maabig á gawa.

Taga Efeso 1:7

A dia ed sikato so kawalaan na karundun tayo ed panamegley na dala to, say pakapaandian na saray kasalanan tayo, onong ed saray kayamanan na gracia to.

I. Na Juan 1:7

Bangbalet no manakar itayo ed silew, unong ed sikato wala ed silew wala so pankakasakey ed sikatayo, tan say dala nen Jesus ya Anak to, linisan to itayo ed amin a kasalanan.

Hebreos 9:14

Say dala nen Cristo, á lapu'd panamegley na Espiritu ya andi angaan insaklang to so inkasika-

to'n dili ya angapo so tilol to ed Dios ¿ag ka lalo a manonaan á linisan to so saray conciencia yo ed saray inatey á gawa pian man-linkor kayo ed Dios á mabilay?

I. Na Pedro 1:18, 19

Bang ta amta yo ya aliwa'n dia ed panamegley na maidederal a beñgatla á siñga say pilak tan bilitok so impakarondon ed sikayo ed saray andi kakanaan a panag-bilay yo ya abañgonan yo ed saray atateng yo; no ag inñen dia ed panamegley na mabli'n dala, á siñga dala na sakey á cordero ya andi dumsis tan tilol, salanti say dala nen Cristo.

KILALABAN PANAMEGLEY NA PANANISIA ED CRISTO 11

Taga Roma 5:1

Sikatayo sirin ya apatunong lapu ed pananisia, wala so kareenan tayo ed Dios, ed panamegley na Katawan tayo á Jesu-Cristo.

San Juan 20:31

Saraya balet insulat ira, pian manisia kayo a si Jesus sikato so Cristo, ya Anak na Dios; tan dia'd pananisia yo nawalaan kayo na bilay ed ngaran to.

San Juan 6:28, 29

Kanian inkuan da ed sikato, ¿Anto so nakaokolan mi a gawaen, pian nakimeyan mi so saray kimey na Dios? Si Jesus in-

mebat tan inkuan to ed sikara, Sikato ya so kimey na Dios, a manisia kayo ed inbaki to.

Taga Galacia 5:6

Ta dia ed Cristo Jesus angan say inpampagalsim angapo so daiset á kablian to, angan say ag panpagalsim; no ag salambenġat so pananisia á nagawa lapu ed aro.

Taga Efeso 2:8, 9

Ta lapu ed gracia nilaban kayo ed panamegley na pananisia; et saya ag nanlapu ed sikayon dili: ta sikato so langkap na Dios: aliwan diad saray gawa, pian ag nagloriaan so angan siopaman.

Tito 3:5

Aliwa'n lapud saray gawa na inkatunong á ginawa tayo, no ag lapu ed panañgasi to inlaban to itayo ed panamegley na panagurasan na kaoman á kianak tan say panamasimbalo na Espiritu Santo.

Tagleey 3:22, 23

Sikato so abig na linawa nen Jehova ya ag itayo naopot, ta saray panañgasi to ag onkulang. Sikara so balo a kinabuasan; baleg so katooran mo.

Salmos 103:11 tan 17

Ta unong á say tawen et atagey nen say dalin, ontan so kaba-

leg na maaron abig na linawa to ya onkana ed saraman so ontakot ed sikato. . . Bangbalet say maaron abig na linawa nen Jehova sikato so manlapu ed andi anga ya anga ed andi anga ed saraman so ontakot ed sikato, tan say inkatunong to anga ed saray anak na saray anak.

Miqueas 7:18

Siopa so sakey a Dios a siña sika, a mamerdona na inkauges, tan labsanan to so inpakasumlang na kera ed mananawir to? sikato agto pagnayonen so sanok to ed ando lan ando, ta manliket ed maaro ya abig na linawa.

San Mateo 11:28

Dago kayo'd siak, amin yo'n nasasagpotan tan nabebelatan, et itdan ta kayo'y pampainawa.

Apocalipsis 22:17

Tan saman so Espiritu tan saman so novia kuan da: Gala. Tan say makadñgel, kuan to komon: Gala. Tan say napgaan, ondago: et say malabay, mañgala ed danum na bilay ya andi bayar.

San Juan 7:37

Sanen kaonoran ya agew, say baleg ya agew na fiesta, nanalagey si Jesus tan nan-inñgal, á kuan to, No napgaan so siopaman á too, ondago ed siak, tan oninum.

Isaias 55:1

O, amin a napgaan, dago kayo ed saray danum, tan say andian na pilak; dago kayo, manaliw kayo, tan mañgan kayo; on, dago kayo, tan manaliw kayo na alak tan gatas ya angapo so pilak tan angapo so bayar to.

Isaias 1:18

Dago kayo natan, tan mankatunonñgan itayo, kuan nen Jehova: angan saray kasalanan yo sikara so siñga eskarlata, napa-puti ra a siñga say nieve; angan sikara so ambalañga a siñga karmesi, magmaliw ira a siñga am-poti a bago.

Taga Roma 8:14

Ta ganagana ya intonton na Espiritu na Dios sikara ya so anak na Dios.

II. Na Taga Corinto

6:17, 18

Kanian Ekal kayo ed leet da, tan onsian kayo, kuan na Katawan, Tan ag yo diwiten so marutak; Tan akoen takayo, Tan siak naani Ama yo, Tan sikayo naani ana' ko a lalaki tan bibii, Kuan na Katawan á makapanyari ya amin.

Taga Filipos 2:15

Pian magmaliw kayo komon ya andi kabalawan tan ag maka-duksa, anak na Dios ya angapo

so kabalawan yo ed pegley na sakey á pikewet tan maramsak á kailalakan, ya diad pegley da anengneng kayo'n siŋga silesilew dia ed mundo.

San Juan 1:12

Balet amiamin ya aŋgawat ed sikato, inter to'd sikara so pankatononŋan a magmaliw ya ának na Dios, salanti saray manisia ed ŋgaran to.

I. Na Juan 3:10

Dia ed saya mapatnag ira so anak na Dios, tan saray anak na diablo: angan siopa a mangawa na ag katunonŋn ag kien na Dios, angan say ag to aroen so agi to.

SAY KUAN NA DIOS NIPAAKAR ED MABAYANIN INOMEN 15

Taga Roma 13:13

Manakar itayo a masimpit a singa dia ed agew; aliwa a dia ed kasibaan tan panagbuan̄ges, aliwan dia ed liket a minomundo tan kabaglan, aliwa a dia ed kolkol tan imun.

Isaias 5:11

Abagey la so saray omban̄gon a masaksakbay ed kabuasan, pian ontombok ira ed mabayani ya inumen; a manpainawa ra a nataraw ed labi, anga ed say alak parlan̄gen tora!

Uliran 20:1

Say alak managludlurey, say mabayani ya inumen magolo; et

angan siopa a nilawan ed sikara sikato so ag makabat.

Taga Galacia 5:19-21

Natan sankapatnagan so saray gawa na laman, á sikara ya: pika-kalugoran, karutakan, kaalakan na laman, pididios ed saray talinta, panaganito, panbobosolan, pankokolkol, imon, sanok, panse-sepakan, inkaapagapag, saray pamikpikewet ed pananisia, saray sibletan, panpapatayan, panagbuan̄ges pandoroypo, tan saray miolibay ed saraya; á sikara so ipasakbay ko ed sikayo: onong ya inpasakbay ko la, ya saray mangawa ed sarayan nengneng ag da natawir so nanarian na Dios.

16 ALIWAN MASARAG SO INKA—MASIMOON LABAT

San Marcos 10:17-22

. . . Maong ya Managbañgat, ¿anto so gawaen ko, pian natawir ko so bilay ya andi angaan? Et inkuan nen Jesus ed sikato, ¿Akin et tawagen mo ak na maong? angapo so maong nilikod so sakey, salanti Dios. Amtam so saray gangan, Agka mamatey, Agka mikalugoran, Agka mantakew, Agka mantasi na aliwa'n tua, Agka mansaol, Igalang mo so amam tan inam. Et inkuan to ed sikato, Managbañgat, amin irayan beñgatla sinumpal ko a nanlapu ed inkaugaw ko. Et nen sikato'y ninengneng nen Jesus sikato so inaro to, tan inkuan to ed sikato,

Sakey a beñgatla so kulang ed sika: onla ka, ilakom so angan anto'n wala ed sika, et iter mo ed saray duruka, et wala naani kayamanan mo ed tawen: et gala, tombok mo ak. Balet say lupa to inmermen ed saya'n salita, et finmainan ya maerermen: ta sikato'y sakey ya walaan na baleg á kayarian.

San Mateo 22:37, 38

Et inkuan to ed sikato, Aroen mo so Katawan á Dios mo ed masimoon á pusom, tan dia ed masimoon á kamarerwam, tan dia ed masimoon ya nonot mo. Sikato ya so baleg tan unona'n gangan.

Santiago 1:22

Et inġen mananumpal kayo komon na salita, ya aliwan dume-reñgel labat, a tilatilaan yo so inkasikayon dili.

Taga Galacia 6:3

Ta no say sakey a too manisip ya wala so daiset á kakanaan to, anta andigapon mogmo, say inkasikaton dili tilaan to.

I. Na Taga Corinto 6:9, 10

Odino ¿Ag yo amta kasi ta saray ag matonong agda natawir so panaria'y Dios? Ag ki patitilaan: angan saray managlawan, angan saray mananġigalang ed talintao, angan saray managsinger ed ag

da asawa, angan saray binabai, angan saray milawanan ed kapara ra a laki, angan saray matakew, angan saray maagum, angan saray managbaunġes angan saray managpabanday, angan saray managpatobo, ag da natawir so panariay Dios.

I. Na Juan 3:8a

Say mangawa na kasalanan kien na diablo; ta say diablo nan-kasalanan nanlapu ed gapo.

Taga Efeso 5:6

Angapo komon so mamalingo ed sikayo lapu'd saray salitan andi kakanaan: ta lapu ed sarayan pamaakaran onsabi sanok na Dios ed saray anak na kasusumpa.

Taga Roma 8:6

Ta say kaisipan na laman say patey; balet say kaisipan na Espiritu say bilay tan kareenan.

Santiago 1:15

Et no say kaibgan na laman so nanlokon la yanak to so kasalanan, et no asabi to lay inkagnap to, say kasalanan yanak to so patey.

Ezequiel 18:20

Say kamarerwa a mankasalanan ompatey naani: say anak a laki agto naani awiten so inkauges nen ama to, et say ama agto met naani awiten so inkauges na anak

to a laki; say inkatunong na matunong wala naani ed sikato, tan say inkauges na marelmeng wala naani ed sikato.

Taga Roma 5:12

Kanian onong a say kasalanan linmoob ed mundo lapu ed sakey á toó, tan say patey lapu ed kasalanan; et say patey ed satan linma ed amin á too, ta amin nankasalanan.

Uliran 11:19

Say mareereen ed inkatunong makarandan na bilay; et say mantombok ed mauges sikato so gawaen to a dili a patey to.

San Juan 10:17, 18

Kanian aroen to ak nen Ama, lapu'd ited ko so bilay ko, pian sikato'y alaen ko lamet. Angapo so mañgekal ed siak na bilay ko, inñen sikato so iter ko manlapu ed inkasiak. Wala'y pakayarik ya mañgited na bilay ko, tan wala so pakayarik a mañgala lamet ed sikato. Saya'n gangan inawat ko ed Amak.

Apocalipsis 1:18

Tan say Mabilay; tan inatey ak, tan nia, ta mabilayak ed ando lan ando, tan wala ed siak so saray tombok na patey tan say Hades.

San Juan 11:43, 44

Et nen capansalita to na ontan, inmiñgal na macsil á voces, Lazaro, paway ka. Saman so inatey pinmaway, ya apotipotan so saray lima tan saray sali to na saray berber ya abel; tan say lupa to apotipotan na sakey á ules. Kuan nen Jesus ed sikara, Okbaran yo, tan paulian yo.

San Lucas 7:14, 15a

Et inmasinger tan diniwi'to so luñgon: et saray nanawit tinmonda ra. Et inkuan to, Balolaki, kuan ko ed sika, Bañgon ka. Et samay inatey, binmañgon, et ginmapo a nansalita.

Deuteronomio 5:7-21

Angapo so sananey á kinondirios mo ed arap ko.

Agka mangawa nipaakar ed sika na sakey á pinanday á talintao, nisay anton kaolibay na beñgatla ya wadman ed tagey ed tawen, odino wadia ed leksab dia ed dalin, odino wala ed danum ed silong na dalin: agka ondakmo mo ed sikara, nisay panlinkoran mo ra. . .

Agmo agamilen so ñgaran nen Jehova a Dios mo ed andi kakanan: ta si Jehova agto ipasen ya andikasalanan so mangala na ñgaran to ed andikakanaan.

Ngilinen mo so agew a panagpainawa a pian palabasen mo a masantos, unong na ingangan nen Jehova a Dios mo ed sika. Anem agew á nepeg mo so mankimey, tan gawaen mo so amin a kimey mo; inñen ta say komapito ya agew sikato so sakey ya agew á panagpainawa ya ipaakar ed Jehova a Dios mo. . .

Galañgen mo so amam tan say inam, ya unong na ingangan nen Jehova a Dios mo ed sika. . .

Agka mamatey. Nisay mangawa ka na kasalanan á lawan. Nisay mantakew ka. Nisay manñiter ka na tilatila a pantasi á makapauges ed kaparam á too.

Nisay aguman mo so asawa na kaparam á too; nisay aguman mo so abung na kaparam á too, say uma to, odino say laki ya igagan-

gan to, odino say bii ya igagan-gan to, say torete to, odino say asno to, odino say angan anto a kayarian na kaparam á too.

AGMO NIAMOTAN SO DIOS

21

Salmos 139:8

No ondepa ak ed loob na tawen, wadman ka; no mangawa ak na dokolan ko ed Sheol, nítan, wadman ka.

Job 34:21, 22

Ta saray mata to wala ra ed saray dalan na too, tan sankanengneng to so amin a kakaakar to. Angapo so bilunget, odino anino na patey, a saray managga-wa na inkauges napangyamotan da na inkasikara.

San Lucas 8:17

Ta angapo so maamot, ya ag nipatnag; ono angapo so inyamot, ya ag nakabatan ono ag nipaway ed liwawa.

Jeremias 23:24

Nayarian ta na angan siopa so onsanib ed saray maamot a paspasen pian sikato so agko nanengneng? kuan nen Jehova. Agko ta panoen so tawen tan dalin? kuan nen Jehova.

ANDI-ANGAAN YA KADUDUSA NA SARAY MAKASALANAN

Salmos 9:17

Saray bagél nipaarap ira ed Sheol, tan amin so saray nacion a mañgiliñoan ed Dios.

II. Na Pedro 3:7

Balet saray tawen ya wala natan, tan say dalin, inpansiansia ra na dilin salitan niatol ya onkana ed apuy ed agew na panañgokom, tan dia ed kaderal na saray mañgaruksan totoo.

San Mateo 18:8

Et no say limam ono say salim so kagapolan mo, potot mo, tan ipulisay mo ed sika: ta magmaong

ni ed sika so onloob ed bilay ya pokol so limam ono salim, nen say wala so duara'n limam ono duara'n salim ya nipelag ka ed apuy yá andi angaan.

San Mateo 13:41, 42

Say Anak no too ibaki to naani 'ray angeles to, tan tiponen da naani'n ipaway ed panarian to so amin a beñgabeñgatla a señgeg na kagapolan, tan saray manga-wa'y karelmengan, tan sikara so ibontok ed horno na apuy: sikato naani paniñgel tan panñgalatenget na saray ngipenngipen.

Hebreos 9:27

Tan onong á nigetar ed saray totoo ya ompatey ira a maminpinsan, tan sano kayari saya ontombok so kaokom.

Gawa 17:31

Bangta tinandaan to so sakey ya agew á sikato so pañgokom to naani ed mundo onong ed katonongan, ed panamegley na saman á laki á tinandaan to; á sikato so pinaletan to ed saray amin, á sikato so pinaoli to ed bilay á nanlapu ed saray inatey.

Taga Roma 14:12

Dia ed ontan, sakey tan sakey ed sikatayo mañgiosaosa naani ni-

paakar ed inkasikaton dili ed arap na Dios.

II. Na Pedro 2:9

Amta na Katawan so pañgilitar to ed saray masantos ed katokso, tan mañgikana ed saray aliwan matunong ed lepsag na kadudusa no nasabi agew na panañgokom.

II. Na Taga Corinto 5:10

Ta nakaokolan ya onpatnag itayo ed panañgokoman nen Cristo; piano balang sakey awaten to so saray agawaan to ed laman, onong ed ginawa to, maong odino mauges.

I. Na Pedro 5:5b

. . . ta say Dios kaingli'to so saray atatagey á linawa, et itdan to na gracia so saray mapaabeba.

Taga Roma 5:15

Bangbalet aliwan singa say kasalanan, ontan met na langkap Ta no lapu ed kasalanan na saman so sakey, inatey so dakel, lalon dinmaak ed dakel so gracia na Dios, tan say langkap lapu ed gracia na sakey á too, si Jesu-Cristo.

II. Na Taga Corinto 8:9

Ta amta yo so gracia na Katawan a Jesu-Cristo, ya, angan mayaman nen saman, inġen nisenġeg

ed sikayo nagmaliw á duka, pian sikayo lapu ed kadukaan to onyaman kayo komon.

II. Na Taga Corinto 9:15

Salamat ed Dios lapu ed langkap to ya ag nibalikas.

Gawa 4:33

Et saray apóstoles tinasian da ed baleg á pakayari so inkioli ed bilay na Katawan á Jesús: et baleg á gracia so wala ed sikara'n amin.

Taga Roma 9:16

Kanian aliwa a kien na manlabay, angan say ombatik, na ag say Dios ya wala so panañgasi.

Gawa 17:30

Saray panaon sirin na andi pikakabat sikara so pinalabas na Dios, balet natan ibilin to ed amin á too, dia ed amin á pasen, á magbabawi ra.

San Lucas 13:3

Andi, kuanko ed sikayo: inġen, no ag kayo manpataoli, natawtaw kayo met ya amin ed ontan.

San Mateo 3:2

Manpataoli kayo; ta say panarian na tawen asinger la.

Gawa 2:38

Et si Pedro kuan to ed sikara: Magbabawi kayo, tan manbinyag so sinansakey ed sikayo ed nġa-

ran nen Jesu-Cristo, pian pakapaandian na kasalanan yo: et awaten yo naani langkap na Espiritu Santo.

II. Na Taga Corinto 7:10

Ta say maridios a panagermen gawaen to so panagbabawi á kilabanan, sakey a panagbabawi ya angan kapigan ag napagbabawian: balet say ermen na mundo mangawa na ipapatey.

Gawa 3:19

Magbabawi kayo sirin, tan manpataoli kayo, pian napunas so saray kasalanan yo: pian on-sabi so saray panaon na painawa á manlapu ed arap na Katawan.

Apocalipsis 3:20

Nia, wala ak ed pinto tan manpatok ak; no wala so siopaman a too ya onden̄gel na voces ko tan mañgilukas na pinto, onloob ak ed sikato, tan mipangdem ak ed sikato, tan sikato ed siak.

San Mateo 6:14

Ta no perdonaen yo 'ray too ed kaugsan da, say Ama yo'n mañgatatawen perdonaen to kayo met.

San Marcos 2:5

Et si Jesus lapu ed anengneng to so pananisia ra, kuan to ed apagpag, Anak, saray kasalanan mo aperdona la ra.

Isaias 55:7

Say marelmeng paulian to komon so dalan to, tan say too ya aliwa a maptek so saray kanontan to; et ompawil komon ed Jehova, et sikato naani kasian to; tan ed Dios tayo, ta sikato perdonaen to naani ed daakan.

Ezequiel 18:21

Balet no say marelmeng pagbabawien to ray amin a kasalanan to a ginawa to, tan sumpalen to ray amin a panontonan ko, tan gawaen to so nikatunuñgan tan kaptekan, sikato so manbilay naani ya ag onlaron, ag naani ompatey.

Taga Colosas 3:2

Nonot yo so saray beñgatla ya wala ed tagey, aliwan saray beñgatla ya wala ed tapew na dalin.

Tito 2:11, 12

Ta say gracia na Dios, á nantarok na panañgilaban ed amin a katocan nipatnag, ya ibanga'to itayo, á dia'd panañibeneg tayo na ag inkamaridios tan saray ibibeg á mangaraldalin, manbilay itayo komon ed saya'n panaon á sidarangka tan sitotunong tan sisasalam sam.

Isaias 1:16

Manuras kayo, manlinis kayo; iwaklit yo so mauges ed saray gawa yo a manlapu ed arap na sa-

ray matak; ontonda kayo a man-gawa na mauges.

Taga Efeso 5:11

Tan angapo komon so pilpilaan yo ed saray gawa na saray biluñget ya ag onbuña, no ag inñen simbawaen yo komon ira.

I. Na Juan 2:15, 16

Aleg ya aroen yo so mundo, ni saray beñgatla ya wala ed mundo. No siopaman a too aroen to so mundo say aro na Ama andi ed sikato. Ta amin ya wala ed mundo, kilalawan na laman tan kilalawan na mata tan maapan gloria na bilay, aliwa a kien na Ama no ag kien na mundo.

I. Na Pedro 1:23

Sarag ta sinmibual kayo lamet ed aliwa'n dia'd maidederal a bini no ag dia'd ag naderal, lapu'd panamegley na salita'y Dios, a manbilay tan magnayon ya andi anga.

I. Na Juan 5:18

Amta tayo ya angan siopa a nianak ed Dios, ag mankasalan; sa balet so tinmoo ed Dios yatol toy inkasikaton dili, et ag diwiten na mauges.

Ezequiel 36:26

Itndan ta kayo naani na sakey a balo a puso, tan sakey a balo ya espiritu so yan ko naani ed da-

lem yo; et ekalen ko naani so ginmibato a puso ed laman yo, tan itdan ta kayo naani na puso a laman.

II. Na Taga Corinto 5:17

Kanian no siopaman a to-ó wala ed Cristo, sikato so sakey á balo'n pinalsa: saray daan á benġatla linmabas la ra; nia, nagmaliw iran balo.

San Juan 3:3

Si Jesus inmebat tan inkuan to ed sikato, Tua, tua, kuan ko ed sika, No say sakey a too ag nianak á napasimbalo, ag to naneng-neng so panaria'y Dios.

Taga Galacia 5:24

Tan saray kien nen Cristo, in-pasak da la ed cruz so laman á pati saray kakanaan na linawa'ra tan kaalakan na laman da.

Taga Roma 6:2 tan 11

Ta sikatayo ya inatey ed kasalanan, ¿panon so panbilay tayo ni ed kasalanan? . . . Ontan met ibilang yo so inkasikayo á dili ya inatey ed kasalanan, bangbalet mabilay kayo ed Dios ed Cristo Jesús.

Taga Efeso 2:1 tan 6

Tan sikayo so binilay to, sannen inatey kayo ed saray inpakalokso yo tan saray kasalanan. . .

Tan binañgon to itayo ya inpiolop ed sikato, tan pinayorong to itayo ya inpiolop ed sikato ed saray pasen á mangatatawen, ed Cristo Jesus.

I. Na Pedro 2:24

Ya sikato'n dili inako to so kasalanan tayo ed laman to dia ed tapew na kiew, pian no inatey itayo ed kasalanan, manbilay itayo ed katunongan: atambal kayo na saray suga'to.

Taga Colosas 3:1

No apabañgon kayo sirin a niolop ed Cristo, anap yo so saray bengatla ya wala ed tagey, á kawalaan nen Cristo ya akayorong ed kawatan na Dios.

San Juan 3:15

Pian siopaman á manisia wala ed sikato so bilay ya andi angaan.

Taga Roma 6:23

Ta say bayar na kasalanan say patey: bangbalet say langcap ya andi bayar na Dios say bilay ya andianga ed Cristo Jesus á Katawan tayo.

San Juan 17:3

Et saya sikato so andiangaan á bilay, ya naantaan da ka a sak-sakey á túa'n Dios, tan saman so inbakim, salanti Jesu-Cristo.

San Juan 3:36

Say manisia ed Anak wala'y bilay to andian gaan; balet say ag-

mañgonod ed Anak ag to naneng-neng so bilay, say sanok inñen na Dios so manayam ed sikato.

Taga Galacia 6:8

Ta say mantanem na nipaakar ed laman ton dili, dia ed laman manani na kabolok; balet say mantanem na nipaakar ed Espiritu, dia ed Espiritu manani na bilay ya andi anga.

San Juan 5:24

Tua, tua, kuan ko ed sikayo, Say ondenñel na salitak, tan manisia ed saman so añgibaki dia ed siak, wala so bilay to a maando, tan ag onloob ed panañgokoman, noag inñen pinmaway ed ipapá-tey ya onloob ed bilay.

San Juan 14:21

Say walaan na saray gangan ko, et sumpalento'ra, sikato so mañgaro ed siak: et say mañgaro ed siak sikato so inaro nen Amak, tan sikato so aroen ko, et ipatnag ko naani so inkasiak ed sikato.

Taga Galacia 4:6

Et bangta anak kayo, inbaki Dios so Espiritu na Anak to ed saray kapusoan tayo, a sikato so mantawag: abba Ama.

Isaias 32:17

Et say gawa na inkatunong sikato naani so deen; et say kasumpalan na inkatunong inkaulimek tan panmatalek lawas.

Taga Roma 8:16

Say dili'n Espiritu so mamatua ed espiritu tayo, ya anak itayo na Dios.

I. Na Juan 3:18, 19

Ana' ko ra ya ankekelag, aleg á mañgaro itayo ed salita ó dia ed dila; no ag dia ed gawa tan dia ed katuaan. Et dia ed saya nabirbir tayo a kien itayo na tua, tan saray kapusoan tayo apaletan ira ed arap to.

I. Na Juan 4:13

Dia ed saya so pikabatan tayo ya mansiansia itayo ed sikato tan sikato so mansiansia ed sikatayo, ta initdan to itayo na Espiritu to.

San Juan 15:11

Saraya a beñgatla sinalitak ed sikayo, pian say gayagak makapayanayam ed sikayo, tan pian say gayaga yo nagnap.

Isaias 12:3

Kanian sililiket ya onasol kayo na danum a manlapu ed saray bobon na panañgilaban.

Taga Roma 14:17

Ta say nanarian na Dios aliwan say panañgan tan yiinum, noag katunoñgan tan kareenan tan liket ed Espiritu Santo.

Taga Galacia 2:20

Nipasak ak ed cruz ya ibak si Cristo; et aliwa lan siak so mabilay no ag inñen si Cristo so ma-

bilay ed siak; tan say bilay á panbibilayan ko natan ed laman, panbibilayan ko lapu ed pananisia, say pananisia a wala ed Anak na Dios: á sikato so añgaro ed siak, tan inter to so inkasikaton dili lapu'd siak.

Salmos 16:11

Sika itorom ed siak so basbas na bilay: dia ed arap mo so kawalaan na kapnoan na gayaga; dia ed nikawanan mo wala so inawa a magnayon lawas.

San Juan 17:13

Balet natan onla ak ed sika; et saraya'n beñgatla salitaen ko dia ed mundo, pian wala ed sikara so gayagak á nagnap ed inkasikara.

Taga Roma 6:16

Ag yo amta á say pangisaklañgan yo ed inkasikayo á dili á siñga aripen ed katotolok, aripen kayo na samay toloken yo; balang la say kasalanan ya onkana ed patey, ó say katotolok ya onkana ed katunoñgan?

**II. Na Taga Tesalonica
1:7-9**

Tan dia ed sikayo ya apaermen mipainawa kayo ed sikami, sano ompayawar so Katawan tayo a Jesus á manlapu ed tawen ya ibato so saray angeles na pakayari to, á dia ed mandarlang ya apuy, iter to so panamales ed sa-

ray ag mikabet ed Dios, tan dia ed saray ag ontolok ed evangelio na Katawan tayon Jesus; a sikara so mantepel na dusa á salanti andi angaan a kabalang da á manlapu ed lupa na Katawan tan dia ed lupa na gloria na pakapanyari to.

Deuteronomio 11:26-28a

Nia, siak yan ko ed arap yo ed sayan agew so bendicion tan ayew; bendicion no toloken yo so saray gangan nen Jehova á Dios yo, ya ingangan ko ed sikayo ed sayan agew: tan ayew, no agyo onoren so saray gangan nen Jehova á Dios yo. . .

San Mateo 10:32, 33

Balang sakey sirin á mañgipatua naani ed siak ed arap na saray totóo sikato met so ipatuak naani ed arap nen Amak ya wala ed tawen. Balang sakey balet á mañgiburi naani ed siak ed arap na saray totoo, sikato met so iburik naani ed arap nen Amak ya wala ed tawen.

Taga Roma 10:9, 10

Lapud no dia ed sañgim ipatuam si Jesús á sikato so Katawan, tan sisiaen mo ed pusom a say Dios pinabañgon to ed saray inatey, nilaban ka: ta say to-o

sisiaen to ed puso to so katononñan; tan say sañgi so mangawana panañgipatua na onkana ed kilalaban.

San Lucas 9:26

Ta angan siopa a mañgibaing ed siak tan saray salitak, sikato so ibaing na Anak na too, sano onla ed dili a gloria to, tan gloria na Ama, tan saray sasanto ya angeles.

I. Na Juan 2:23

Say mamaandi ed Anak, angapo met ed sikato so Ama: say mamatua ed Anak wala met ed sikato sa Ama.

I. Na Pedro 5:8

Mandangka kayo, manbantay kayo; to say kabusol yo, say diablo, wala ed kaliberliber yo ya singa omoang á leon a mananap na buagen to.

Gawa 26:18

Pian lukasan mo so kamataan da, pian ompawil ira ed liwawa á manlapu ed kabilungtan, tan manlapu ed pakayari nen Satanás onla ra ed Dios, pian awaten da so panamaandi ed saray kasalaan, tan say tawir á pakapinabang ed saray napasantos lapu ed pananisia ed siak.

San Mateo 4:1 tan 10, 11

Saman la si Jesús inyakar na Espíritu ed kalawakan, pian toksoen na diablo. . . Saman la inkuan nen Jesus ed sikato, Arawi ka dia, Satanás: ta wala'n nisulat, Sika igalang mo naani so Dios á Katawan mo, tan sikato labat so panlinkoran mo. Saman la tinainan na diablo; et niá, saray angeles sinmabi ra tan nanlinker ira ed sikato.

Taga Efeso 6:11

Isolong yo so sankabokel á kinlong na Dios, pian nayarian yo so ontalindeg ya onsumpa ed saray pañgalot na diablo.

Taga Roma 8:35 tan 37

¿Siopa so mañgisian ed sikatayo ed aro nen Cristo? ¿Say kairapan, ó say kaermenan, ó say panañgosil, ó say eras, ó say inkalakseblabus, ó say kaatapan, ó say kampilan? . . . Ah ta dia ed saraya'n amin a beñgatla sikatayo so lalo ni nen saray mananalo ed panamegley na saman so añgaro ed sikatayo.

Hebreos 2:14

Dia ed ontan lapu ed saray anak minanabang ira ed laman tan dala, sikato met a dili akinabang ed satan; pian lapud ipapatey bagbagen to so kawalaan na pa-

kayari na ipapatey, salanti, say diablo.

I. Na Juan 3:8

Say mangawa na kasalanan kien na diablo; ta say diablo nan-kasalanan nanlapu ed gapo. Lapu ed saya pinmanengneng so Anak na Dios a maneral na saray gawa na diablo.

Santiago 4:7, 8a

Ontolok kayo sirin ed Dios; baret onsumpa kayo ed diablo, et sikato so onarawi ed sikayo. SINGER kayo ed Dios, et sikato so onsinger naani ed sikayo.

PANAŃGARO, SIKATO'Y MAŃGIPATUAN
BABAŃGATAN ITAYO

37

San Juan 13:35

Lapu ed saya amin a too na-
birbiran da'ya sikayo ray ba-
baŃgatan ko, no wala so aro yo
ed sakey tan sakey.

I. Na Taga Corinto 13:1

No mansalita ak komon ed di-
la na totó-o, tan saray angeles,
balet angapo'y arok, nagawaak a
siŃga mantaknol a gansa odino
manbanengbeng a piangpiang.

I. Na Juan 4:20

No wala so mankuan, Aroen
ko so Dios, tan busolen to so agi
to, sikato so matila: ta say ag ma-

Ńgaro ed agi to, anta anengneng
to, ag to nayarian ya aroen so
Dios ya ag to anengneng.

Taga Galacia 5:22, 23a

Balet say buŃga na Espiritu si-
kato so aro, liket, deen, kasung-
doan, kaoyamoan, kaabigan, si-
sia, tayadno, dangka. . .

San Juan 21:16

Kuan to lamet ed sikato ed
komadua, Simon, anak nen Jonas,
¿inaro mo ak? Kuan to ed sika-
to, On, Katawan; sika amtam ya
inaro ta ka. Kuan to ed sikato,
Ipakabkab mo so saray carnerok.

Taga Roma 4:25

Ya sikatoy niawat lapu ed saray inpakalokso tayo, tan pinaoli nipaakar ed pakapatunong tayo.

San Juan 20:26-28

Et kayari waloy agew saray babangatan wala ra lamet ed loob, tan ibara si Tomas. Si Jesus niala, anta saray pinto akakaput ira, tan inmalagey ed pegley, tan inkuan to, Say kareenan so wala ed sikayo. Saman la kuan to ed Tomas, Idandan mo dia so tamorom, tan nengneng mo so saray limak; tan idandan mo dia so limam, tan itobong mo ed diking ko: et aleg ya andi pananisiam,

no ag inŕgen manisia ka. Si Tomas inmebat tan inkuan to ed sikato, Katawan ko tan Dios ko.

Gawa 10:39-41

Et sikami makatasi ed saray amin á ginawa to ed dalin na saray Judio tan ed Jerusalem; á sikato met so pinatey da ya insabit da ed sakey á kiew. Sikato so pinaoli Dios ed bilay ed komatlo'n agew, et inter to á nipatnag ed maliwawa, aliwa a dia ed amin ya ombaley, no ag dia ed saray tasi ya inmuna a pinili Dios, salanti sikami, ya akikan tan akiinum ed sikato, nen kayari to ya inmoli a binmilay ed saray inatey.

Taga Roma 6:3-5

¿Odino ag yo amta ya amin-tayo ya abinyagan ed Jesu-Cristo, ibinyagan itayo ed patey to? Ta sikatayo so niponpon á pati sikato lapu ed binyag ed patey: pian onong á si Cristo binmañgon ed saray inatey lapu ed gloria na Ama, ontan met manakar itayo komon ed inkapasimbalo na bilay. Ta no nitipon itayo la ed sikato ed kaolibay na patey to, ontan tayo met naani ed kaolibay na inkioli to ed bilay.

II. Na Taga Corinto 4:14

Amta mi a say amañgon ed Katawan á Jesús, bañgonen to

kami met lapu ed Jesús, tan ipatnag to kami pati sikayo.

San Juan 5:25 tan 28, 29

Tua, tua, kuan ko ed sikayo, Say horas onsabi, tan natan la, sano nareñgel na saray inatey so voces na Anak na Dios: et saray ondeñgel nabilay ira. . . Ag kayo mankelaw ed saya: ta onsabi boras, ya amin so saray wala ed saray lobok nareñgel da so voces to, et onpaway ira; saray nanga-wa na maong, nipaaker ed kioli ed bilay; bang saray nangawa na mauges, dia met ed kioli ed bilay ed kaokom.

I. Na Pedro 1:2

Onong ed gendat la a pikakabat na Dios Ama, dia ed panamasanto na Espiritu, ed katotolok tan inkawalsikan na dala nen Jesu-Cristo: Gracia tan kareenan komon so ondakel ed sikayo.

I. Na Pedro 1:15

No ag inġen, unong a say anawag ed sikayo et masantos, masantos kayo met komon ed ganaganay panagbilay.

II. Na Taga Corinto 7:1

Anta wala ed sikatayo sirin so saraya á sipan, inararok ira, lini-san tayo komon so inkasikatayon

dili ed ami tilol na laman tan espiritu, á yadyarien itayo na kasantosan dia ed takot ed Dios.

II. Na Timoteo 2:21

Kanian no wala so mangogol ed inkasikato ed saraya, sikato naani sakey á vaso á kirayewan, apasantos, nitalaga ya ikana na makankien, sipaparaan ed ganagana ya gawa'n maabig.

San Lucas 1:74, 75

Ya ited to ed sikatayo a lapu ed kilaban tayo ed lima na saray kabusol tayo Sikato so panlingkoran tayo ya andi takot, dia ed kasantosan tan kaalasan ed arap to ed saray amin ya agew tayo.

Taga Efeso 1:4

Onong ed inpanpili to ed sikatayo ed sikato nen agni nipasen so mundo, pian napasanto itayo tan angapo so kabalawan tayo ed arap to ed panañgaro.

I. Na Juan 1:9

No ikonfesal tayo so saray kasalanan tayo, sikato matoor tan matunong a mamerdona na saray kasalanan tayo, tan linisan to itayo ed ganagana ya ag nikatunonñan.

San Mateo 3:11

Siak á tua binyagan takayo ed danum á nipaarkar ed panagsibkel: bang balet say mantombok ed siak, lalon macapanyari nen

siak, ya agak onkana'n manawit na sapin to ra: binyagan to kayo naani ed Espiritu Santo tan ed apuy.

Isaias 35:8

Et wala naanid'man so sakey a polong, tan sakey a dalan, et sikato naani niñgaran a, Say dalan na inkasanto; say agmalinis ag naani ondalan ed sikato; no ag iñgen sikato so nipaarkar ed aron-don; saray manakarakar a totoo, on, totoo a makulangkulang, ag ira naani nabalang diman.

Taga Efeso 4:24

Tan ikawes yo so toó a balo, á sikato so pinalsay Dios ed loob na kaptekan tan matuan kasantosan.

Ezequiel 36:27

Et yan ko naani so Espirituk ed dalem yo, tan panakaren ta kayo naani ed saray panontonan ko, tan onoren yo naani so saray pan̄goksoyan ko, tan gawaen yo ra.

San Lucas 11:13

No sikayo sirin, anta mauges kayo, amta yo so mañgiter na saray maong á panañgaro ed saray anak yo ¿ag kasi nagkalalo a say Ama yo á mañgatatawen mañgiter na Espiritu Santo ed saray onkerew ed sikato?

Gawa 13:52

Et saray binan̄gatan napno ra na gayaga tan Espiritu Santo.

Gawa 4:31

Et nen akapikasi la ra, saman so pasen á nantitiponan da ginmiwgiw; et napno ra ya amin na Espiritu Santo, et sinalita ra so salita na Dios á makmakpel.

Taga Roma 8:9

Bangbalet sikayo andi kayo ed laman, no ag dia ed Espiritu, no ontan say Espiritu na Dios ma-naayam ed sikayo. Balet siopaman a too ya angapo ed sikato so Espiritu nen Cristo, sikato so ag to kien.

Gawa 1:8a

Balet mañgawat kayo na pakayari, no onsabi ed sikayo so Espiritu Santo: et sikayo so tasik. . .

SARAY MAKAPAKELAW YA SIPASIPAN NA DIOS ED SARAY KRISTIANOS

43

Apocalipsis 21:4

Tan punasen to so amin á lua ed kamataan da; tan andi gapo la naani ipatey; tan angapo la naani onnan̄gis ó dageyem, ó ot-ot: ta saray ona a beñgatla sikara so linmabas la.

Salmos 34:18

Si Jehova asinger ed saray wala ed kipapasen na sakey á nabtangan na puso; tan ilaban to so too ya wala ed sakey á kamarerwa a masakit ed panagbabawi.

Isaias 66:2

Ta amin iraya a beñgatla gina-wa na limak, et ontan so inkiwala na saraya ya amin a beñgatla,

kuan nen Jehova: balet dia ed sa-ya a too onnengueng ak naani, angan say duka tan maralit ya espiritu, tan say ongiwgiw ed salitak.

I. Na Pedro 4:12, 13

Inararok ira, ag yo komon pan-kelawan so inmapuy a panali ed sikayo, ya onsabi ed sikayo pian pakasalian yo, siñga bilang beñgatla a pankelawan a naga-waan ed sikayo, no ag iñgen pan-liketan yo komon so pidama'yo ed saray irirap nen Cristo, pian dia ed kipatnag na gloria to man-liket kayo met ed alablabas á ga-yaga.

Hebreos 2:18

Ta lapud no sikaton dili et nan-tepel na pakatokso, nayarian to ya tulongan so saray natokso.

Taga Roma 16:20

Tan say Dios na kareenan magano imedmer to si Satanas ed lepsag na saray sali yo.

I. Na Taga Corinto 10:13

Ag kayo asabian na benġatla'n katotokso no ag samay nitepel na amí to-ó: bangbalet say Dios ma-toor, ta ag to kayo paulian á natokso na onlabas ed nayarian yo; no ag inġen pati tokso, mangawa met na dalan á paliisan, ta pian nayarian yo ya itepel.

Salmos 34:19

Amayamay so pakapaermenan na matunong: balet si Jehova ilik-tar to ya ipaway ed saraya ya amin.

Taga Roma 8:28

Et amta tayo ya ami ganagana mankakasakey ira a mankimey ed pamaabig ed saray maġaro ed Dios, á salanti, dia ed saray natawag onong na getma to.

Isaias 43:2

Sano baliwen mo so saray dandum, walaak ed sika; tan dia ed saray ilog, agka nadelap naani: sano manakar ka ya onlabas ed apuy, agka naani napoolan, tan agto ka met silayutan na dalang.

Apocalipsis 3:5

Say manalo nakawesan naani na kawekawes ya ampoti; tan ag ko punasen naani so n̄garan to ed libro na bilay, noag in̄gen ipatnag ko so n̄garan to ed arap nen Amak, tan ed arap na saray anges to.

Apocalipsis 3:12

Say manalo, sikato so gawaen ko a lusek na templo na Dios ko, tan kapiganman ag la ompaway: tan isulat ko ed sikato so n̄garan na Dios ko, tan say n̄garan na ciudad na Dios ko, say balo a Jerusalem, ya onlasor á manlapu ed tawen dia ed Dios ko, tan say n̄garan ko a dili a balo.

Apocalipsis 2:7

Say walaan na pakadn̄gel, den̄glen to so kuan na Espiritu ed saray iglesia. Say manalo, pakanen ko ed kiew na bilay, á sikato so wala ed pegley na Paraiso na Dios.

Apocalipsis 3:21

Say manalo, iter ko ed sikato á miyorong ed siak dia ed tronok, unong á siñga siak met analo ak, tan akiyorong ak ed Amak dia ed trono to.

Apocalipsis 21:7

Say manalo tawiren to so amin á ben̄gatla; et siak so Dios to, et sikato so ana' ka naani.

46 SAY DIOS MANSALITA NIPA AKAR ED DIVORSIO

San Mateo 5:32

Balet kuan ko ed sikayo, ya say balang sakey á laki á mañgisian na asawa to, no aliwa'n niseñgeg ed lawan, sikato'y mañgited na señgega'y pikakalugoran tonía; et say siopaman á laki'n mañgasawa ed bií ya insian mankasalanan na pikalugoran.

**I. Na Taga Corinto
7:10b, 11, 39**

Ta say bii ag misian ed asawa to (Et no sikato so misian, mansiansia ya ag miasawa, no ag inñgen mipolañgan komon ed asawa to); tan say laki ag to kaindahan so asawa to. . . Say bi-í asiñger legan a mabilay so asawa to;

balet no onpatey so asawa, sikato so bolos á miasawa ed labay to; dia ed linawa na Katawan lambeñgat.

Taga Roma 7:2, 3

Ta say bi-i ya wala so asawa to, isiñger na gangan ed asawa to legan to á manbilay; bangbalet no onpatey sa asawa, sikato bolos la ed gangan na asawa to. Kaniyan no legan á manbibilay ni asawa to, mikasakey ed arum á laki, niñgaran a managderal na panamaley: bangbalet no say asawa to onpatey, sikato so bolos ed gangan, et dia ed satan ag managderal na panamaley, angan mikasakey ed arum á laki.

San Juan 14:3

Et no onlaak tan mañgiparaanak na pasen ya onkana'd sikayo, onlaak dia lamet, tan awaten ta kayo ed inkasiak; pian no iner so kawalaan ko, diman makapanayam kayo met.

San Mateo 24:27

Ta onong á say kirmat ya ompaway ed bukig, et nanengneng ya anga'd sagud; ontan naani so isabi na Anak na too.

San Mateo 16:27

Ta say Anak na too onla dia naani dia'd gloria na Ama to a pati saray angeles to; saman to tumañgan naani so balang sakey á too onong ed saray gawa to.

San Mateo 24:30

Insan onpatnag so tanda na Anak na too ed tawen: et manermen naani ed satan so amin á polipoli na dalin, tan nanengneng da naani so Anak na too ya onsasabi ed tapew na lurelurem na tawen á napno'y pakayari tan baleg á gloria.

Apocalipsis 3:11

Siak ondago ak á magano: pokpokan mo so wala ed sika, pian angapo so mañgala ed balañget mo.

Santiago 5:8

Maanos kayo met komon; iteen yo-ray puspuso yo: ta say isasabi Katawan manasinger.

San Lucas 12:40

Maparaan kayo met: to dia ed horas ya ag yo isisipen onsabi so Anak na too.

I. Na Juan 3:2

Inararo, natan anak itayo na Dios, tan ag ni agaway kipatnag no antoy pagmaliwan tayo naani, Amta tayo a no ompanengneng, miolibay itayo ed sikato, ta nanengneng tayo naani a siŋga dili ya inkasikato.

San Marcos 8:38

Ta siopaman á maŋgibaing ed siak tan saray salitak dia ed sa-ya'n mikakalugoran tan makasalanayan ya kailaiakan, say Anak na too sikato met so ibaing to

naani, sano onla ed gloria nen Ama to pati saray masanton angeles.

Apocalipsis 16:15

Nia, Siak ondago ak á siŋga matakew. Mapalar so manpuyat, tan isinop to so saray kawes to, ompan manakar a labos-lakseb, tan nanengneng da so kaba-baiŋgan to.

Gawa 1:11

Ya inkuan da met: Lalaki a taga Galilea, ¿akin ya akaalagey kayo ya onnenengneng ed tawen? saya si Jesús a naawat ed tawen a nanlapu'd sikayo, ontan so isabi to onong na anengneng yo ya in-yakar to ed tawen.

Salmos 119:11

Say salitam insinop ko ed utel na pusok, pian agak makapanka-salanan ed sika.

San Mateo 22:29

Si Jesus balet inmebat tan inkuan to'd sikara, Naliliño kayo, lapu'd ag yo amta so saray sul-sulat, tan say pakapanyari' Dios.

San Lucas 21:33

Say tawen tan dalin onlabas ira naani: inġen saray salitak ag ira onlabas.

Salmos 119:105

Say salitam sikato so sakey á silewan ya onkana ed saray salisalik, tan sakey á liwawa ya onkana ed basbas ko.

Deuteronomio 4.2

Ag kayo mangyaarum ed salita ya igangan ko ed sikayo, nisay bawasan yo, pian naonor yo so gangan nen Jehova a Dios yo ya igangan ko'd sikayo.

II. Na Pedro 1:21

Ta angapo so profecia a nanlapu ed linawa na too, no ag saray totoo nansalita ra a nanlapu ed Dios, diad inpanenieg ed sikara na Espiritu Santo.

II. Na Timoteo 3:16

Amin a Sulat ya inpuyan na Dios sikato met so maabig á pakaralan, pakasumalan, pakasimbawaan, tan pakapanontonan a sikato so wala ed katunonġan.

Published in numerous languages by World Missionary Press as God supplies funds in answer to prayer. If you would like more copies for careful distribution, please write to us in English.

World Missionary Press, Inc.
P.O. Box 120
New Paris, IN 46553-0120 USA